

ret, sicut accepimus, credere autem sicut baptizamus; glorificare autem sicut credimus patrem, filium, & Sp. sanctum.

37. Operationes Spiritus sancti spectantur tum communiter in creatione & conservatione totius universi; tum sigillatim in Ecclesia; nempe in toto cœtu, per ministerium verbi & Sacramentorum, & in singulis membris, tum quò ad animam, scil. intellectum & voluntatem, tum quo ad corpus. Quorum beneficiorum distinctio videatur apud Dn. Chemnitium.

Μένω δ' ὕξα θεῷ πατρὶ, υἱῷ, πνεύματι ἱεζῷ.

DISPUTATIO IV.

DE UNIONE HYPOSTATICA
duarum naturarum in Christo.

THESIS I.

CHristum esse verum Deum, & verè hominem nuper demonstravimus. Nunc de unionem duarum illarum naturarum, divinæ τῷ λόγῳ, & humanæ, disseremus.

2. *Unio hypostatica* est veræ & perfectæ humanitatis ex substantia virginis Mariæ matris in ipsam personam filii Dei assumptio: ut sit una persona composita, verè Deus & verè homo, absq; naturarum confusione.

3. Hypostasis igitur τῷ λόγῳ facta est carni hypostasis: quæ inde dicitur ἐννπόσατ: hoc est,

est,